

# Seludup rokok isytihar tisu!

**Oleh Siti Aminah Mohd Yusof**  
am@hmetro.com.my

**Butterworth**

**J**abatan Kastam Diraja Malaysia (KDM) Pulau Pinang menyita dua kontena membawa rokok seludup bernilai lebih RM7.7

Pengarah JKDM negeri, Datuk Rohaizad Ali berkata, kontena dari Thailand itu dipercayai dalam perjalanan ke Republik Congo, Afrika dan transit di pelabuhan itu untuk memindahkan barang dagangan ke kapal lain sebelum meneruskan perjalanannya.

Pengarah JKDM negeri, Datuk Rohaizad Ali berkata, kontena dari Thailand itu dipercayai dalam perjalanan ke Republik Congo, Afrika dan transit di pelabuhan itu untuk memindahkan barang dagangan ke kapal lain sebelum meneruskan perjalanannya.

“Kontena itu didapati membuat pengisytiharan paku di dalam Borang Transhipment (K6) dengan mengiktar barangan terbit sebagai sapu tangan, tuala dan tisu dari Thailand sedangkan ia mengandungi rokok seludup.

“Pemeriksaan menemui 25,900 batang rokok putih bernilai RM7.77 juta, termasuk duti kastam,” katanya pada sidang media, di sini, semalam.

Kes disiasat mengikut Seksyen 52(1), Seksyen 52 (3) dan Seksyen 52(4) Akta Kastam 1967.

Dalam kes berasingan, Rohaizad berkata, satu lagi aktiviti penyeludupan rokok yang berselindung di sebalik operasi sebuah kilang di Kawasan Perindustrian Ringan Tupai dekat Taiping, Perak, dibongkar pada 29 Ogos lalu.

Beliau berkata, serbuan dijalankan Unit Operasi Bahagian Penguatkuasaan JKDM Pulau Pinang, hasil maklumat Pasukan Tempur Operasi Medan Kastam (COBRA) di sebuah kilang yang menjalankan aktiviti berkaitan kejuruteraan.

“Sebuah stor di kilang itu dijadikan tempat menyimpan rokok seludup. Kami menemui lebih dua juta batang rokok putih dan 254,400 batang kretrek bernilai RM2.34 juta,” katanya.

Seorang lelaki tempatan berusia 50-an yang juga pemilik kilang ditahan untuk siasatan dan kes disiasat mengikut Seksyen 135 (1) Akta Kastam 1967.

Tambahnya, secara keseluruhan, sepanjang Januari hingga 31 Ogos lalu, JKDM Pulau Pinang merekodkan 214 kes penyeludupan membabitkan 80 kes rokok, dadah (4), minuman keras (105), mata wang (2) dan 23 lain-lain bernilai keseluruhan RM75.22 juta.



ROHAIZAD (tiga dari kanan)) menunjukkan rokok seludup pelbagai jenama yang dirampas dalam serbuan di Pelabuhan Klang, Selangor dan Taiping, Perak.